



Njedźelu **24.03.2024** w **14:00** hodžin
w **Šunowskej kapałce** na klósterskim kuble.

Po tym syda čerstwy **tykanc** z pjecy pola
Čornakec w Konjecach a **kofej** w burskej stwi.

Předstowo

POV - što to scyla je?

POV steji za Point of View a tak pokazaja ludžo na přikład w socialnych syćach swoje fota abo wideja z cyle wosobinskeje perspektiwy.

POV wužije so tež jako Hashtag a woznamjena, zo wosoba swoje stejišćo a swoje měnjenje jasne pokaza. We wobłuku „gaminga“* wužije so POV, zo by so z hrajnej figuru identifikował a zo by so hra z perspektiwy tutoho charaktera hrać móhła.

POV steji potajkim za wosobinske stejišća a perspektiwy. Džensa chcemy tebe přeprosyc raz twój fokus na Jězusa a jeho křižowy puć wusměrić.

Kak zhladuješ ty na křižowanje a zrowastanjenje?

Kajke je twoje stejišćo k tomu?

A tak započnamy naš křižowy puć młodžiny w mjenje Wótca a Syna a Ducha Swjateho. Amen.

* gaming steji za digitalne hraće



Postaće „0“: Što je so dotal stawo?

wos. 323, 1+2

1.Ow Jězu, swětło žiwjenja, mój puć ty sy a nadžija.
Ja po zemi du jeno hósć a njesu swojich hrěchow złość.

2.Puć do Tvojeho raja dže; wón daloki a nahły je.
Tam je mi prawy Wótcny kraj, tón přez swoju mi martru daj!



Postaće „0“: Što je so dotal stawo?

K: Tebi so modlimy, Jězu Chrysće, a sławimy će.

L: Přetož přez swój swjaty křiž sy swět wumóžil.

A: Wšitcy steja kołowokoło, rěča a hladaja. Zahoritosć knježi.

Ludžo su napjeći. Daš so natyknyć a hłowaš sobu.

Sće wulka skupina a maće hłós. Stejiće w zjawnosći. Skónčnje!
A pomałku započinaš přemyslować: Kak dołho traje zahoritosć?

B: Syły pak, kiž džěchu před nim a za nim, wołachu:

“Hosanna, Synej Dawidowemu!

Žohnowany, kiž přichadža w Knjezowym mjenje!

Hosanna we wysokosćach!” (Mt 21,9-10)

Zhromadna modlitwa:

Luby Božo, Ty mje najlěpje znaješ a wěš što myslu a začuwam.

Ty znaješ moje najrjeńše a najzrudniše wokomiki. Džakuju, zo mje chutnje bjerješ a zo móžu so stajnje k Tebi dowěrić. Amen.

Po puću wuměń so z druhimi młodostnymi:

Hdy pytnješ, zo će něchtó kedźbu ma?

Přińdu pak ci druhdy tež dwěle, hač će scyła něchtó zańc ma?

1. postaće: Křižu j jeho!

wos. 323, 3+4

3. Na puć je wutła wutroba a čěło mało mocy ma.

Haj, duša we mni žalosci: Pój, Knježe, za ruku mje wzmi!

4. Sylń ze swojim mje čerpjenjom, hdyž ze swěta ja póńdu dom!

Twój krawy pót mje wokřewjej a moje mocy přisporjej!



1. postaće: Křižu j jeho!

K: Tebi so modlimy, Jězu Chrysće, a sławimy će.

L: Přetož přez swój swjaty křiž sy swět wumóžil.

A: Twój wid je na twój handy wusměrjeny
a njemóžeš so wotwobroćić.

Likes na tu powěsć w rjadowniskim chaće wokoło prudža.

Smějace emodźije (emoji) a přihłosowanje.

Při tym je powěsć ranjaca.

Ty tam sedžiš a njewěš, što maš činić.

Smjeć so? Sobu činić? Ignorować?

Abo prosće pósłać „palc horje“ kaž druzy?

Poprawom wšak móže ci to tež wšojedne być.

Kak ludžo z wosobu wobchadžeja, će tola ničo njestara.

Chablaš mjez wšojednosću a womoru.

Wšak njejsy za to zamołwity.

B: Knježe, Pilatus je dekret podpisał. Sy k smjerći zasudženy.

Po słowje: Tutón čłowjek ma wumrěć, njezměje wjac přichoda.

Knježe, tak čuja so džensa mnozy młodostni:

zo so nam přichod bjerje.

Praji so nam, zo je žiwjenje połne móžnosćow,
ćežko pak druhdy póznawamy, hdže tute móžnosće su,
hdyž pjenjezy faluja, hdyž žane džěło njenamakaš
a móžnosć kubłanja so ci bjerje.

1. postaće: Křižu j jeho!

Zhromadna modlitwa

Knježe, samo jako bu k smjerći zasudženy, njejsy so podał.
Sy Pilatusej prajił, zo njeby žaneje mocy měł, njeby-li Bóh to
dowolił. Z pomocu Boha sy dale činił a so přichodej dowěřił.
Nawuč nas runje tak jednać.

Próstwy:

Pomhaj nam so nic wot hidy abo stracha wjesć dać, město toho
pak mostotwarcy być, wšudže hdžež smy.

Rozmysluj mjelčo hač k přichodnej staciji:

Što sy w chatach hižo dožiwił*a?
Znaješ začuća, zo njewěš kak jednać?
Padnje ći lochko přeč hladać?

2. postaće: Jězus pada

wos. 323, 5+6

5. Přez swojich ranow bolosće mi zahoj hrěšne pruskele!
Přez směch a krónu ćernitu mi daruj dobru pokutu!
6. Přez swoju lačnosť, wutrajnosť mi šćěp a daruj sćerpliwość!
Přez swoje słowa poslednje mi pomhaj, hdyž mi styskno je!



2. postaće: Jězus pada

K: Tebi so modlimy, Jězu Chrysće, a sławimy će.

L: Přetož přez swój swjaty křiž sy swět wumóžil.

A: Widžu Tebje na zemi ležo.

Předstaju sej, kak hłowu zběhaš a na mnje hladaš.

Předstaju sej, kak prajiš:

”Ja padnu, zo by ty móhl ze mnu zaso stanyć.

Pój, stań a daj nam zhromadnje dale kročić.”

B: Napinaš so twoje stejišćo zabrać. Tola woni će wusměšuja.

Twoje wuprajenja so zawjerća a twoje činitosće so z pomocu widejow zawěsća. Sy hańbje wustajeny.

Woni stłóča će na zemju.

Z kóždym razom padnje ći ćežo twoje měnjenje zastupować.

Nichtó nochce ći slědować ani će zrozumić.

To će počezuje a snano samo porazy.

Prašeš so, što mysla ći, kotřiž mjelčo přihladuja.

Ja pak sym čerw a nic čłowjek,
ludžom směch a wot ludu zacpěty. Kiž mje widža, wšitcy mje
směša, hubu sćahuja a wija z hłowu. (Psalm 22,7-8)

2. postaće: Jězus pada

A: Jězus so wojakam přepoda. Wusměšuja jeho,
napluwaja a bija jeho. Njeje wón prajił, zo je kral?
Njech pokaza tola raz swoju móc!

Njezrozumja poselstwo wo lubosći Bohu a k blišemu.
Njeje to mócnarstwo namocy? Wojacy honja Jězusa po měsće.
Po wšěm zdaću nima puć kónca.

Mnozy wčipni wobkedźbuja Jězusa. Mjelča a přihladuja.
Křiž je z kóždej kročelu ćeži a Jězus so pod křižom zwjeze.

Zhromadna modlitwa:

Božo, chcemy być sebjewědomni a zmužići.
Přeco so nam to njeporadži.
Přetož faluje nam zmužitosć a energija.
Twoje słowo sylni a wuswobodža.
Pomhaj, runje hdyž nam to ćežko padnje.
Posylni nas přeco zaso nutřkownje,
zo bychmy sebje a druhich zastupowali. Amen.

Rozmysluj mjelčo hač k přichodnej staciji:

Sy hižo raz dožiwił*a, kak so druzy wusměšuja?
Sy hižo raz zapřimnył*a, hdyž njejsy był přezjedny*a?
Jeli nic, što će haći?
Je egoizm na tym wina?

3. postaće: Protest

wos. 323, 5+6

5. Přez swojich ranow bolosće mi zahoj hrěšne pruskele!
Přez směch a krónu ćernitu mi daruj dobru pokutu!
6. Přez swoju lačnosť, wutrajnosť mi šćěp a daruj sćerpliwość!
Přez swoje słowa poslednje mi pomhaj, hdyž mi styskno je!



3. postaće: Protest

K: Tebi so modlimy, Jězu Chrysće, a sławimy će.

L: Přetož přez swój swjaty křiž sy swět wumóžil.

A: Werónika pyta wobličo druheho.

To je, štož lubosć woznamjenja: so wot wobliča druheho pohnuwać dać, tež hdyž njeje snano wjac rjane.

Hakle přez to, zo blišeho kedźbu mam, póznaju sebje samoho. Najwjac ludži so radšo ze sobu samym zaběraja: na př. hraja z handyjom abo so na swójske naležnosće koncentruja.

A spyta tak swoje zbožo namakać.

Hustohdy pak so to njeporadži.

Wěrne zbožo namakaš na kóncu jenož,
hdyž so z druhimi rozestaješ.

Zmuž so tuž a pytaj komunikaciju!

Ludžo njeměli mjenujcy jenož na sebje myslić.

Prjedy abo pozdžišo su zamołwići
za swójske rozsudy a konsekwency.

Po puću wuměń so z druhimi młodostnymi:

Přećiwo čemu by najradšo protestował?

Hdže ćuješ so potłóčowany?

Kotre impulsy trjeba naš swět, kotryž chori,
hdyž kóždy jenož na sebje myslí?

4. postaće: Křižowanje

Npzn. č. 3, 1+2

1. Hdyž pytaš Boha, to hlej na kwětki, to hlej na horow a lěsow kras,
bohatty wróciš so z kóždej šćežki a pjelniš z wobsahom nowy swój čas.
Hlej cyły swět je połny slědow Boha a kóžda wěc ma w sebi Božu mysl,
njech je to wjeršk, njech je to próšna dróha,
haj, we wšěm Bože znamjo je a zmysł!

2. Hdyž pytaš Boha, to hlej na ludźi, to hlej, kak zdobywa młodźenc wjeršk,
hlej na mać swoju, kak wona džěła, do wočow džěćatkam hladaj a wěs,
zo kóždy z nas je stworjeny wot Boha, a w kóždym z nas chce bydlić Trojica,
zo by so rozšěrjała powěsć dobra: Bóh chce přez nas wšěch ludźi lubować!



4. postaće: Křižowanje

K: Tebi so modlimy, Jězu Chrysće, a sławimy će.

L: Přetož přez swój swjaty křiž sy swět wumóžil.

A: Bjez wupuća. Maš hubjene začuće w brjuše.

Tebi je horco a zyma naraz. Tak abo podobnje so čujes,
hdyž přińdu bolosće - čělnje bolosće, hdyž padnješ,
dušine bolosće, hdyž pytnješ, zo će luby čłowjek wopušći.

B: Wučerpany, krjudowany a sponiženy leži Jězus na twjerdym
drjewje křiža. Wón čuje, kak so přeni hozdź na jeho ruku sadži.

Wě što jeho wočakuje. A přeni hozdź so přez jeho ruku drěje,
runje tak přez jeho druhu ruku a noze.

Po tym, zo je so křiž postajił, padnje dychanje stajnje ćežo.

Jeho waha powjetši ćišć na jeho rany.

Wón wě, zo njeje wupuća z tuteje situacije.

Impuls:

Hdy sy hižo wšelake bolosće dožiwił*a?

Sy hižo raz swójsku winu na bolosćach druhich začuwał*a?

Akcija:

Što će boli - čělnje abo dušinje?

Napisaj to na plestr a přičin plestr na křiž.

4. postaće: Křižowanje

Npzn 83, 1-3

1. Hdžež zwólniwi smy křiž njesć

a wopory přinjesć, a znowa započec.

Ref.: Tam so dótkaje njebo a zemja, zo pokoj bywa mjez nami,
tam so dótkatej njebo a zemja, zo pokoj bywa mjez nami.

2. Hdžež blišoh ´ lubujemy,

a wodawać chcemy a znowa započec:

Tam so dótkatej...

3. Njech hidu přewinjemy,

puć zhromadnje džemy! Chceš z nami započec?

Tam so dótkatej...

Zhromadna modlitwa

Luby Božo, znaju wokomiki stracha. Sym je hižo sam nazhonił.

Su ludžo, kotrež dyrba wjetše bolosće znjesć hać ja,

kotrež njewidža wupuć z jich ćežkeje situacije.

Božo, pomhaj tutym ludžom bolosće wutrac.

Pokaž nam wšitkim wupuć ze situacijow, před kotrymiž so bojimy.

A wodaj nam, hdžež smy druhim bolosće načinili. Amen.

5. postać: Smjerć


Npz čo. 81, 1+2

Ref.: Kralo a Pastyrjo, što ćerpiš za nas?

Kralo a Pastyrjo, što ćerpiš za nas?

1. Na hłowu Tebi z ćerni su zwili krónisko
a do wobliča pluwa Ći zlóstne ludźisko. Kralo...

2. Na křižu wisaš spjaty za winu čłowjestwa,
z tym pak sy wumóžił nas z hrěcha wotročstwa. Kralo...



5. postać: Smjerć

K: Tebi so modlimy, Jězu Chrysće, a sławimy će.

L: Přetož přez swój swjaty křiž sy swět wumóžil.

A: Za někotrych je čežko so wječor měrnje do łoža lehnyć.

Zaswěća sej podcast abo meditaciju.

Potom njejsy sam ze swojimi myslemi.

Su słowa, kotrež w twojej hłowje chodža?

Słowa, kotrež će na njepřijomne situacije dnja dopominaja?

Snano trjebaš někoho, komuž móžeš wšitko powědać?

B: Přetož ja sym přez zakon zakonjej wumrěł,

zo bych Bohu žiwy był. Z Chrystusom sym skřižowany!

Njesym wšak žiwy ja, ale žiwy je we mni Chrystus.

Dołhož pak sym w mjasu žiwy, sym žiwy we wěrje do Syna Božeho,
kiž je mje lubował a sam sebje za mnje podał. (Gal 2, 19-20)

A: Jězusowe posledne mysle su wuprajene słowa na křižu:

Wón rěči k Bohu, swojemu Wótcej.

Jězus wě, zo wisa samotny na křižu, ale wě tež, zo njeje sam.

Je to činił za wšo čłowjestwo, za nas, zo bychmy
w našej najhlubšej čěmności měli zhromadženstwo z Bohom.

5. postaće: Smjerć

Zhromadna modlitwa:

Jězu Chrysće, přez Twoje žiwjenje a Twoju smjerć na křižu zwjazaš so ze wšitkimi. Bychmy rady tutu zhromadnosć z Tobu nazhonili a z toho žiwi być móhli. Tola w ćěmności našeho žiwjenja njesłyšimy ničo wo Tebi, ale jenož naše swójske mysle. Prosymy tute słowa jako modlitwu zrozumić, jako přichilnosć k Tebi, dokelž Ty nas zrozumiš a nas lubuješ tež po smjerči.

Rozmysluj mjelčo hač k přichodnej staciji:

Kotre mysle će w nocy zaběraja?

Su to snano słowa zemrětych abo Jězusowe posledne słowa?

Što bychu móhli twoje posledne słowa być?

Za doma: Hdyž chceš móžeš w interneće za poslednymi słowami znatych wosobinow pytać. Kotre tebje inspirěruja? Kotre skěrje zamyla?


6. postaće: Zrowastanjenje

Npzn čo. 81, 3+4

Ref.: Kralo a Pastyrjo, što ćerpiš za nas? Kralo a Pastyrjo, što ćerpiš za nas?

*3. Ty wopruješ so za nas, daš swoje žiwjenje,
kaž Jehnjo njewinwate, sy znamjo lubosće. Kralo...*

*4. Ty swjaty Syno Boži tam krawiš za nas wšěch,
a ze smjerću šće Twojej sej cwólba čini směch. Kralo...*



FORTSETZUNG FOLGT ...

6. postaće: Zrowastanjenje

A: Jězus spěje do njebjes. Jako poslednu sadu praji:

“Hlejće, sym z wami hač do skónčenja swěta.”

Najebać to pak činimy sej starosće. Často zdawa so, jako njeby naše žiwjenje žadyn přichod měło. A tohodla mamy strach.

Tuž njezwažimy sej rozsudy tworić.

Widźimy často jenož wulke kamjenje, kotrež nam w puću leža.

To je wokomik, w kotrymž měli na Mać Božu słuchać.

Wona rěči nam wo kóncu, kotryž ma nowy spočatk we sebi.

Rěči nam wo pozdatnej smjerći štoma w zymje,

hdyž so runje nastaja, zo by w nalěcu kčěl.

Rěči skónčnje wo rowach, kotrež su wrota k zrowastanjenju,
k našemu wumoženju.

Rozmysluj mjelčo:

Sy hižo raz začuwał, zo njeńdže dale?

A kak myslíš džensa wo tym?

Štó abo što dawa ći mocy?

Na čim maš radosć?

Próstwa:

Pomhaj wšitkim, lěpje z problemami wobchadźeć
a daruj mocy, tež druhich wo pomoc prosyć.

6. postaće: Zrowastanjenje

Zhromadna modlitwa:

Swjaty Božo,
swjaty sylny Božo,
swjaty sylny a njesmjertny Božo,
smil so nad nami a nade wšěm swětom.
Amen.

Npzn. čo. 39, 1-3

Ref.: Dowjedź nas k sebi, Jězuso! Tule smy, Tebi so dowěrjamy!
Dowjedź nas k sebi, Jězuso! Tule smy, Tebi so dowěrjamy.

1.Wěr do njeho, dowěr so, w tebi Chrystus Knjez je sam,
w twojim swěće Jeho šěr, wón z tobu je, to wěr. Dowjedź...

2.Bože słowo žiwy być twój stajny zaměr je.
Jězus lubosć skutkuje, přeco w tebi wostanje. Dowjedź...

3.Namkaš wěčne žiwjenje přez skutki, dobroty.
Bohaće Bóh mytuje, tuž klapaj wo durje! Dowjedź...

Impresum

Přełožk

Z přećelnej dowolnosću slědowaceho wudawaćela přełożene wot Dekanatneho dušepastyrstwa młodžiny.

Wudawaćel:

Džěłowe městno za dušepastyrstwo młodžiny Němskeje biskopskeje konferency (afj) a zwjazkowe předsydstwo Zwjazka Němskeje katolskeje młodžiny (BDKJ), wobě Düsseldorf, kaž tež džěłowe zjednoćenstwo Ewangeliskeje młodžiny w Němskej z. t. (aej), Hannover

Jednaćelstwo: Tobias Knell, referent za ministrantsku pastoralku a liturgiske / kulturne kubłanje, Džěłowe městno młodžinskeho dušepastyrstwa Němskeje biskopskeje konferency (afj); zastupuju dr. Kathinka Hertlein, referentka za teologiju a młodžinsku sociologiju, Džěłowe zjednoćenstwo Ewangeliskeje młodžiny w Němskej z. t. (aej)

Awtorki / awtorjo a redakcija

Tobias Knell (nawodnistwo), dr. Kathinka Hertlein (zastupowace wjednistwo), Julia Daser (krajna młodžinska pastorka, Ewangeliska cyrkej Berlin-Braniborska-šleska Hornja Łužica), Ralf Meyer (kapłan w biskopstwje Münster), Eva Olejok (pastoralna referentka w biskopstwje Münster),

Impresum

Ilustracija a wuhotowanie

Annika Kuhnowa ilustracija & grafika

E-mejlka: hallo@annikakuhn.de

Kontakt

Jednaćelstwo a redakciske wjednistwo
ekumeniski křižowy puć młodźiny,
Dźěłowe městno za dušepastyrstwo młodźiny

Němskeje biskopskeje konferency (afj)

Carla Mostertowe naměsto 1.

40477 Düsseldorf

Tel.: 0211 484766-20

E-mejlka: kultur@afj.de

Produkcija & rozšěrjenje.

Młodźinski dom zawěšćernje

Wobłuk nakładnistwo Haus Altenberg

Carla Mostertowe naměsto 1.

40477 Düsseldorf

